

沈雲龍編輯

明清史料彙編

集 八

第十二冊

文海出版社

有限公司

印行

遺民詩目錄

卷九

吳 牲

字鹿友號柴庵揚州興化人進士累官大學士事
詳史傳隱居後與李沂宗元豫陸廷掄爲詩友著

送老吟
以見志

李 沂

字子化一字艾山號壺庵興化人句容文學子濬遠
自適喜愠不形與從子驎國宋號稱三李著鷺鷥
堂集方外友十力爲之刊於江西門
人張師孔又爲之重刊於揚州行世

錢邦芭

字開少鎮江丹徒人官滇中後隱於釋號大錯
禪師爲詩磊落孤憤借古喻今善於怨者

汪 渢

字魏美仁和人孝廉重氣節
善吟咏謝絕公車寄情山水

金俊明

字孝章號耿
庵吳縣人

宋儒醇

字衍魯號冷泉廬江人貢士繼國名臣
侍御公之後著述甚富鄉郡推爲耆舊

李世熊

字元仲福建寧化人文學黃公道周舉之力辭不應世稱高士著寒文集

李永周

字完冲四川成都人

朱天麟

字游初號震青吳江人戊辰進士司李饒州戊寅特擢翰林院編修奉使山東京師陷至雲

南官最顯卒於嶺南時壬辰八月

蔣

易

字子久一字前民江都人與杜濬王猷定友善工五言律詩兼画

汪

薌

字葯房歙縣人

吳

琦

字燦生號槎浮生江寧人重然諾與王之仁交善患難不避國變託跡先龍紋公四十餘載無間言

死葬先公墓側

歸

莊

字玄恭崑山人文學有盛名著作如林

范廷瑞

字公茂揚州如皋人

孟

鼎

字涉公河
南杞縣人

劉

易

字望之宣城人布
衣從孫夏峯遊

錢德震

字武子浙
江海鹽人

姚

康

字康伯號休那桐城人
抱經濟未試淹蹇以老

潘

陸

字江如吳江人其父木公先生世居薦脰湖之濱
曰穆溪後徙京口北固山下疎籬野水嘯咏其間
頗愜幽性尋以兵興隣近壁壘又徙城西流離播
遷不得寧居江如思守先人遺業仍歸穆溪著有

穆溪集子鏐
亦有詩名

吳元宸

字姬公揚州興化人文
學大學士諱姓次子

譚宗

字公子浙江餘姚人曾客揚州飲李寅家值俗客
至徙坐面壁待其人去方入座善書人不如其意
雖厚幣亦卻
其性然也

王龍文

字鼎子鳳陽盱眙人崇禎癸酉副榜是時破資格用人多起家縣令龍文自負瑋瓌不屑隨牒常調

縱意詩酒後授鎮江府訓導未任遭國變遂隱

林時盛

字確齋江西人

卓發之

再見

薛案

字諧孟常州武進人官太守隱於釋名米堆山

沈叔培

字御冷錢塘人昆弟俱有名

王鳴雷

字東村廣東南海人官中書

遺民詩卷第九

寶香山人 卓爾堪 子任選輯

吳

姓

柴菴江南興化人
送老吟

尋廬山舊徑晚歸

出山故遲遲似與幽人別石徑松風吹巖花
雨折晚心遇景留前賞逢僧說青靄近已無夕
陽明復滅西嶺吟眺處回首生虹蜺下飲彭湖
水沙渚淨如雪歸來新月白烟雲猶可擷

五日寄王子象山

雷聲殷昨夜知是前村雨潭西溪水長猶得灌

禾黍新苗旣已茂餘花潤園圃冉冉時序侵陶
陶夏維午奇懷鬱嘉辰惓念同心侶欲持一樽
酒斟酌就君語谿流遍花林蒼然間平楚緘書
江上雲慙慙結情縷

雜興

空林何歷歷落葉盡秋聲此葉連根株三春曾
發榮青青覆苑牆苑苑映園亭行道得蔭覆攀
芳采其英如何秋節至蕭條華葉傾辭枝猶未
下依根尚怵營颼風自北來吹之令飄零露下
草根蟲感激和哀鳴人生無根蒂浮華竟何成

智慧日趨衰終與憂患并
睠懷古志士何以立
修名

感懷

翩翩江上鳥晨夕各雙翔
所歡獨不見離憂迫
中腸明明共素月照我羅衣裳
浮雲自西來遂
覺隔他鄉盈盈星與漢咫尺猶相望
況復萬里
遠音書歲月長秋風吹白鴈
昨夜度微霜尺素
贈遠人苦辭限衡陽上林渺何處
悲鳴以彷徨

築塲吟

漉取河下泥增築
岼邊土不患河水深
但愁秋

夜雨坐視上天漏愧無寸石補禾耳日日長刈
獲徒辛苦桃桔響不歇山歌相和發草頭棲白
露溪上落殘月幸值天晴泥土乾急春猶得接
晨餐

村晚

杖藜新霽後落日下荆扉春及商農事江平問
釣磯輕烟青岬柳細雨綠園薇野老柴門外相
隨雞犬歸

湘妃竹

遺恨滿江湄淒淒憶別離寒梢雲起處疎影月

來時水識湘靈怨
山看帝子疑蕭騷
千古意只有淚痕知

新晴

逕竹新含露涼風吹草堂
水痕秋漸落蔬甲日
看長扶杖行吟好逢花
坐酌香浮雲須卷盡莫
令復飛揚

棲賢寺

三峽次玉淵乃至棲賢而五老峙其東

棲賢三峽北俯瞰玉淵清
泉壑最幽處古人無限
情廢祠仍寂寞片石自
崢嶸五老凌霄出芙蓉
天際生

二月雨雪

滯雨凝寒久回風吹雪斜
三春來朔氣萬里走驚沙
故國愁邊水孤城夢後笳
今宵吟更苦相伴舊啼鴉

蕪城懷古

蒼茫江澥畔喪亂幾經秋
却恨青淮水孤城日夜流
雲低京口樹月上玉人樓
錦纜南遊後何時歌吹休

聞楊子自彭城歸寄此問之

聞有風塵色知歌行路難
曾逢新使者一問舊

長安行李淹春日開樽及藥欄有無從圯上得
受異書看

遣病

亂離此日是誰春自咏新詩倍愴神羈客不堪
愁作伴空村只有老隨人山中藥草虛持錘谿
畔桃花誤問津汨汨殘生雙眼在淚痕到處總
風塵

潭西王恭人墓

黯黯消魂難及晨潭西風雨助悲辛若令綦綳
能偕隱未必功名累此身喪亂空餘今日淚羈

孤聊作暫時人可憐歲月干戈裏啼鳥飛花不
是春

春夕

日日淒涼厭歲新苦吟今夕轉傷神愁從雪後
聽歸鴈坐對燈前憶故人折柳落梅縈客思悲
笳橫笛作邊春杖藜衰病憐生事新霽還應理
舊綸

閏三月初旬阻雨不得展先人墓得心字
寒色蒼茫裏暮猿哀且吟松楸時在望雨露感
何深淮水原連潯谿流各異潯飄風胡發發白

日故陰陰冤鳥長啣恨淒鴻忽斷音春暉遊子
意芳草故園心社臘分秦漢衣冠見古今魂羈
愁自斷骨瘁病相侵化鶴歸華表將書去上林
今春寒食閨血淚倍沾襟

寒夜咏盆草寄友人

芳草寒仍綠萋萋對酒樽可憐逢歲暮猶自待
王孫

有感

疑是當年丁令威重來不見舊荆扉憑誰寄語
青城鶴莫去人間帶箭歸

李

沂

艾山壺菴江南興化人
鸞嘯堂集

灣頭虎

揚州灣頭有虎夫江淮之間故無虎

虎胡爲乎來虎胡爲乎來作灣頭虎

南山有獸眈其目白其額咆哮憑陵驚我都邑

一解麋不至鳳不翔雙目眈眈來遊我疆二解徧處

我里伺我行旅饕餮我婦子誰假女羽翼女欲

則安極

三解

張我弓挾我矢願言逐虎哀我羣醜

掌迹如盜林薄風吼

四解

朝逐虎暮逐虎逐虎不

得官長怒窮民孔棘匪惟伊虎之故

五解

東家兒行

濁水不流泥滑滑東家小兒來養鴨老鴨知人
聲小鴨亂雜行奔入田中唼唼食禾穗低頭忍
罵驅鴨去去年種桑長河湄桑樹雖小桑葉肥
里中騎馬官人歸出門探頭望乃是東家兒烹
羊豕走親戚東家老嫗笑啞啞

築堤謠

持畚來築河堤藉用豪土覆之一畚土三人持
持畚來築河堤飢死老父凍死妻誰者堤我築
之

持畚來築河堤我築之水決之

插秧歌

辛卯水大至李子愍農人之苦作插

秧歌

朝插秧暮插秧往視我田中乃有鰕與魴

朝耘田暮耘田往視我田中乃有蒲與蓮

誰者造屋吾爲爾操版築誰者有牛羊吾願爲
爾牧

玉壺吟

予夜夢一男子持扇見示題曰玉壺